



Inatsisartunut ilaasortamut
/Per Berthelsen

Kina pillugu § 37 naapertorlugu apeqquteqaammut nr. 059-2025-mut akissut

19-06-2025
Sags nr. 2025 - 10241

Asasara Per Berthelsen,

Apeqquteqaaternut Inatsisartut suleriaasianni § 3 7, imm. 1 naapertorlugu
saqqummiussarnut, qujanaq. Apeqqutitut imatut akineqarput:

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: asn@nanoq.gl
www.naalakkersuisut.gl

Apeqqut 1

**Oqaaseqartitsisimanerit ataani takuneqarsinnaasut malillugit
Naalakkersuisoq oqariartuutit taamaattut atornerisigut sunaana
anguniaraa?**

Apeqquteqaaternut tunngavilersuuterni qulequttat aamma ilanngutassiani
sisamani tigulaakkat eqqartorpatit:

Financial Times-imi, ulloq 27. maj 2025, avisip qulequtaa imatut nipeqartoq
”Greenland says it will turn to China if US and EU shun its mining sector”.

Berlingske-mi ilanngutassiami aamma ulloq 27. maj 2025-meersumi tigulaakkat
marluk. Tigulaakkat marluk taakkua imatut nipeqarput: “*Kalallit Nunaat Kinamik
suleqateqarnialersaarpog*” aamma “*USA aamma EU aatsitassalerinernik
pimoorussillutik aallartitsinnianngippata, taava Kalaallit Nunaat allanik
suleqatissarsiuusaaq – tassanilu Kina periarfissani qallersaavoq.*”

Børsen-imi aviisip qulequtaa ataani atsiortoq toqqaannartumik issuarlugu ulloq
13. juli 2024 saqqummersinneqartoq, imatut nipeqartoq: “*Aatsitassaqaarnermut
Naalakkersuisoq aatsitassat qaqutigoortut pillugit mianersoqqussuteqarpoq:
EUmit aningaasalersuisoqalernissaq qaqugorsuarmut
utaqqiinnarsinnaanngilarput*”

Kiisalu aamma Zetland-imi qulequtaq, ulloq 23. Januar 2025
saqqummersinneqartoq qulequtaralugu: “*Kalaallit Nunaanni aatsitassaqaarnermut
Naalakkersuisup? Kina aggersarpaa*”

Matuma siuliani allassimasuni uanga Naalakkersuisutut suut anguniarnerikka
paaserusuppat.

Financial Times-imi aviisip qulequtaanut tunngatillugu issuaaneq tassani pineqanngilaq, kisianni qulequtaq tusagassiorfiup nammineerluni allassimasaa pineqarluni. Ilanngutassiaq Greenland Anorthosite Mining A/S-ip qanittumi piiaanissamut akuersisummik pissarsisimaneranut atatillugu allanneqarpoq. Apersuinermi pingaartumik Kalaallit Nunaanni aatsitassarsiornermik suliaqartunut aningaasalersuutissarsisarneq ukkatarineqarpoq. Aatsitassarsiornermik suliaqarnitsinni Europamiut aamma amerikamiut aningaasaliinissamut soqutiginnilersinnissat immikkut Naalakkersuisut sulissutigisimavaat. Taamaattoqassanngippat qanoq iliorniarnersugut aperineqarama akivunga, taava sumiiffiit allat qiviartariaqarpagut. Oqarnermi “sumiiffiit allat” isumaqartoqanngilaq Kina, tassami ilanngutassiami nassuiarpara ilaatigut Kina-miit soqutiginnittoqanngitsoq aammalu Kina-meersut aningaasaliippata tamanna ajornartorsiorfiusinnaasoq. Taamaattumik qulequtaq Financial Times-ip paasinninneranut takussutissaavoq.

Berlingske-miit ilanngutassianit tigulaakkanut marlunnut tunngatillugu aamma issuaanerit pineqanngillat. Taamaattumik EU-mit aamma USA-mit aatsitassarsiorfimmik ingerlatsinissaq pimoorunneqassanngippat, Kalaallit Nunaat Kina-mut allattuiffimmi qullerpaamiitillugu isaassiniartoq pillugu Berlingske-mit oqaatigineqartunut suut tunngaviunersut uannut ersanngilaq. Ilanngutassiaq Financial Times-imi ilanngutassiamik Berlingske-p annertuumik paasinninneraa, tassani ilaatigut Kina-miut aningaasaliinerit ajornartorsiutitaqarsinnaasut oqarsimasutut issuarneqartunga, tassani oqaatigineqarluni. Berlingske-mi ilanngutassiami sunilluunniit siunertaqarsimanngilanga, tassami taakkunannga tassani apersorneqannginnama.

Børsen-imit ilanngutassiaq 2024-mi juulimeersuuvoq, tassani siusinnerusukkut Naalakkersuisuusuni Naalakkersuisutut uanga, aatsitassarsiornermik suliassanik killilersuinissamik pisariaqartitsinerup, nunat aatsitassanik eqqussuisartut oqaluuserisassaaniilersinnissaa, sulissutigisimavara. Pisariaqartitsineq Kalaallit Nunaanni aatsitassarsiornermik suliassa qarfiup ineriartortinnissaanut aalajangiisuulluinnartumik pingaaruteqartoq suli isumaqarpunga. Maannakkut aatsitassarsiorfiutileqatigiiffinni aningaasaqarnikkut nammagassat aammalu annaasaqarsinnaaneq, annertoorujussuarmik aningaasaateqarnissamik pisariaqartitsineq, annaasaqarsinnaanerup annertuujunera ungasissumullu aningaasaliisarnarit ilisarnaataallutik suliassa qarfimmi annertunerpaatigut inissisimavoq.

Piffissami taamanikkut Naalakkersuisusut sinnerlugit aatsitassat pisariaqartinneqarlutik pingaaruteqartut pillugit Memorandum of Understanding-ip 2023-mi novembarimi atsioreernerata kingorna aammalu aatsitassarsiornermut suliassa qarfitsinni EU-mit, Canadamit, UK-imit aamma USA-mit aningaasaliisarnissamik siuarsaanissamik politikkikkut ukkatarinniffinni,

ilanngutassiaq saqqummerpoq. Assersuutigalugu 2024-mi junimi Bornholm-imi Innuttaasunik naapitsinermi peqataavunga, tassani pissusiviusuni nunanit Kalaallit Nunaattut ittunit aatsitassanik pissarsinissaq kissaatigigaanni, EU-p tungaaniit allanngoriartortitsisoqassasoq sammitippara. Nunami aalajaatsumik oqartussaaqatigiiffiusoq, sulisartunut tunngasut pimoorunneqartut aammalu avatangiisit annertuumik pingaartinneqartut, ilisarnaataallutik. Aatsitassanik akikitsunik, pissutsit isornartut atuutsillugit piiarneqartunik, Kina-meersunik, pisisarnerup ingerlaannarnerani aammalu Europami pilersuisut Kina-meersunik pinngitsuuisinnaajunnaarsitsisimaneranni, taamaalillunilu Kina-p niuerfimmi annertunersaanerani, mingutsitsinnginnissap oqaluuserineqarnissaa "discount"-imiitinneqarsinnaanngitsoq, uparuarpara.

Taamaalilluni kingunissaa ujartugara tassaavoq, Kina-p niuerfimmi annertunersaanerata naapertuutinnginnerata, ataatsimut isigalugu nioqqutissat eqqussukat akileraaruserneqartarnerisa aammalu EU-p tungaaniit pilersuinerup isumannaatsuuneranik aammalu aatsitassanik akisussaassusilimmik piiarneqarsimasunik pilersuisuminnik nukittorsaanissaq kissaatigineqarpat, suliassat annertunerusumik tapersersortarnissaasa pingaaruteqarnerata, ukkatarineqalersinnissaa. Tamatuma saniatigut oqaatiginiagara tassaavoq, uanga Naalakkersuisutut inuiaat kalaallit aallartitarigaannga, taamaalillungalu Kalaallit Nunaanni siuariartortitsinissamut ineriartortitsinissamullu tunngavissaqalersitsinissaq suliassani pingaarnerpaasoq. Tassami EU-mi Kalaallit Nunaata aatsitassaannut niuerfissaqanngippat, sumiiffimmut allamut tunisisoqartariaqarpoq.

Qulequttami Zetland-imeersumi issuaaneq pineqanngilaq, kisianni qulequtaq pineqarluni. Ilanngutassiami siunertaraara Kina-mut aalisakkanik avammut nioqquteqarnerup Kalaallit Nunaannut pingaaruteqarnerata erseqqissarnissaa, aammalu amerikamiut Kalaallit Nunaat tiguarniarlugu sioorasaarinerat pissutigalugu Kina-mut niuerneq tamaat unitsissagaa Kalaallit Nunaata piumaffigineqarnissaa naapertuutinngitsoq. Ernumaneq aqutsisuutissinnaanngilarput. Tamatuma erseqqissarnissaa uannut pingaaruteqarpoq. Oqaatiginiagara tassaavoq, tunngaviusumik inatsisinik arlalinnik inissitsitserersimasugut, ilaatigut aalisarnermi, takornariartitsinermi aammalu aatsitassanut suliassa qarfimmi naapertuutinngitsumik aningaasaliisinnaanernut nunatsinnik isumannaarisunik. Tamatuma saniatigut aningaasaliinernut misissuinermut inatsit, ajornartorsiutitalinnik aningaasaliinissat itigartinnissaannut inatsimmi tunngavissatsinnik nukittorsaasussaq, ilimasaarutigisimavarput. Kiisalu Naalakkersuisut ersarissumik oqariartuutigaat attaveqaasersuutini pisariaqartinneqartuni nunanit allaneersut aningaasaliinissaat kissaatiginngikkippat, aammalu siusinnerusukkut Naalakkersuisuusut nunanut allanut periusissiaat aalajangiusimagipput, tassani

ersarissumik allassimavoq, suleqatigisartakkat assinganik isummertaasillit naleqartitatsinni isumaqatigisagut immikkut ukkatariniarigut.

Ataatsimut isigalugu isumaqarpunga, kikkut paasissutissiinersut, uagutsinnut oqariartuutit suunersut, kikkullu nassiussisuunersut, tamatta isornartorsiuisumik isummertarnissarput, pingaaruteqartoq. Aammalu eqqaamassavarput, tusagassiuuterpasuit sapinngisamik amerlanerpaanik atuartartoqalernissartik aammalu sapinngisamik annertunerpaamik eqqartorneqarnissartik qulakkeerniarlugu sukataartarnissaq pisariaqartittaraat, taamatullu tusagassiuutit arlallit politikkikkut partiini imaluunniit isummertaatsini aalajangersimasuni isummertaaseqartarput. Tamanna akerleriiffiunngilaq, kisianni sammivimmut atugaannut pingaaruteqarsinnaalluni.

Apeqqut 2

Naalakkersuisuni aatsitassanut oqartussaasoqarfimmiit maanna timitalimmik Kina-mit aningaasaliisinnaasunik aamma/imaluunniit politikernik oqaloqateqartoqarpa?

Naamik, Kalaallit Nunaanni aatsitassarsiornermut suliaasaqarfimmi aningaasaliinissat pillugit Kina-mi aningaasaliisartunik imaluunniit Kina-mi politikernik Naalakkersuisut oqaloqateqanngillat.

Aatsitassarsiornermut suliaasaqarfimmut tunngatillugu namminersortut niuerfiat tassani pineqarpoq, aningaasalersuineq nunani tamalaani aningaasanut niuerfinni ingerlanneqarnerusarluni. Kikkut akuersissummik tunineqarsinnaanerat, Aatsitassanut tunngasunik suliaqarnermut inatsimmi piumasaqaatitalimmik killilersuisoqarpoq. Tassani allassimavoq pisinnaatitsisummik pigisaqartoq akuersissut malillugu ingerlatassanik suliaqarnissamut pisariaqartunik suliaasanut piginnaasaqassasoq aningaasalersuisinnaassuseqassasorlu aammalu akuersissut malillugu pisussaaffiit tamaasa naammassissagai. Aammattaaq pisinnaatitsisummik pigisaqartup ileqqorissaarnissamut piumasaqaammik taagorneqartoq naammassisimasussaavaa, ass. pineqartoq ukiut sisamat kingullit iluanni akiliilluni pinerlutsitsisimanermut, pinerlulluni suliaqarnermi peqataasimanermut il.il. eqqartuunneqarsimassanngilaq.

Akuersissutiniq nutaanik akuersinissaq imaluunniit itigartitsinissaq aammalu akuersissummi aalajangiisuusumik piginneqataanernik allanut tunniussinissap akuerinissaa imaluunniit itigartinnissaa taamaallaat Naalakkersuisut suliaasarai.

Naalakkersuisut tamatuma saniatigut aningaasaliinernut misissuineranut aaqquissuussinermik taagorneqartoq, nalinginnaasumik naapertuutinnigitsumik aningaasaliinernik misissuinissamut inatsimmi tunngavissaqarnissamik

qulakkeerisussaq, suliarileruttorpaat. Inatsisissamut siunnersuut qaammatit aggersut iluanni tusarniaassutigineqassasoq naatsorsuutigineqarpoq. Aningaasaliinernut misissuinnermut inatsit ataatsimut isigalugu nunanit aalajangersimasunit aningaasaliinissat itigartinnissaannut atorineqarsinnaanngimmat, erseqqissassallugu pingaaruteqarpoq.

Naalakkersuisutut uanga taamaallaat aatsitassarsiorfiutileqatigiiffinni marlunni, piiaanissamut akuersissummik, uterteqquneqarsimasumik, peqarsimasuni aammalu aappaa piiaanissamut akuersissummik qinnuteqarsimasumi, itigartinneqarsimasumilu, Kina-miut soqutiginninnerat ilisimavara. Ingerlatseqatigiiffiit marluusut tamarmik aalajangiinernut taakkununnga, uanga Naalakkersuisut siuliini suliaasaqarfimmi akisussaaffigisannut, Namminersorlutik Oqartussat eqqartuussisulersuunnarlugit aalajangersimapput.

Kalaallit Nunaata Kina-mut atassuteqarneranut tunngasut annertuumik soqutigineqartut soorunami Naalakkersuisut maluginiarpaat. Kina-mut nunatta aningaasaqarneranut annertuumik pingaaruteqartumik avammut nioqquteqarnerput nuannaarutigigipput, Naalakkersuisut ingerlaavartumik isummernortik attatiinnarsimavaat. Tamanna aamma 2022-miilli Beijing-imi Kalaallit Nunaata sinniisoqarfeqalersimaneranut pissutaavoq.

Ataatsimut isigalugu Naalakkersuisut nunani allani suleqatigisartakkatsinnut inussiarnersuunissaq kissaatigaat. Tassunga tunngatillugu Naalakkersuisut nunanut allanut, sillimaniarnermut illersornissamullu politikkikkut periusissiaat 2024-meersoq, suleqatinut assingusunik isummertartunut atassuteqarnerup ineriartortinnissaa Naalakkersuisut kissaatigigaat, ersarissumik nassuiaaviusoq, innersuunneqarsinnaavoq.

Naalakkersuisut isumaqarput, Kalaallit Nunaata tungaaniit nunanit allamiut pisiortornerannut, aningaasaliinerannut aammalu avataaneersunik suleqateqarnermut pimoorussisumik eqqarsaatigilluakkamillu isiginnittaaseqarnissaq siunnerfigineqartoq.

Apeqquut 3:

Aningaasalersuinissat qanoq isikkullit Naalakkersuisut tungaannit eqqarsaatigineqarpat? Aningassat Naalakkersuisunut tunnissaat siunertarineqarpa (allaffissornermut siammartiterinissamullu Naalakkersuisunit atorneqarsinnaanngorlugit) imal. Naalakkersuisut Kalaallit Nunaanni pilersaarutaasut sinnerlugit oqaluppat?

a. Kingullertut taasami, taava piginneqatigiiffiit/pilersaaruteqartuusut suut aallaavigineqarpat?

b. Naalakkersuisunit aningaasat qanoq amerlatigisut ujartorneqarpat?

Naalakkersuisut nunatsinnut aningaasaliiumalersitsinissaq sulissutigineranni, aallaaviatigut suliassat ataasiakkaat imaluunniit ingerlatseqatigiiffiit ataasiakkaat salliutinnissaat aallaaviatigut sulissutigineqartanngilaq. Ingerlatseqatigiiffiit imaluunniit suliassat ataasiakkaat tamatuminnga kissaateqarlutit saqqummiissappata, Naalakkersuisut taakkua aningaasaliisartui naaperusussinnaavaat. Tamanna Naalakkersuisut suliassanik akuersissummik tuneqarsimasunik tapersuinerminnik takutitsinissaannut, aammalu Naalakkersuisut politikiisa, inatsisaasa maleruagassaasalu nassuiarneqarnissaannut ammataaq tunngassuteqarpoq. Kalaallit Nunaat nunatut aatsitassarsiorfiusutut inissisimanngimmat, aamma aningaasaliisartorpassuarnit inatsiseqarfittut ilisimaneqanngilagut.

Naalakkersuisut aningaasaliiumalersitsinissamut tunngatillugu pilersaarut pingaarneq suliaraat. Naalakkersuisut allaffissornermut avataaneersut aningaasaliiumalersinnissaat sulissutiginnigilaat. Aamma siammarterinermut tunngatillugu suut eqqarsaatigineqarnersut ersarinngilaq, kisianni tamanna aamma sulissutigineqanngilaq.

Assersuutissat taaneqarsinnaasut tassaapput:

- USA-mut MoU, ilaatigut direct marketing-imut kiisalu paasissutissanik nalunaarsukkanik katersinermut, Kalaallit Nunaanni aatsitassarsiorluni misissuinerup annertunerunissaanut soqutiginninnerulersitsinissamik tamarmik siunertaqartunut, aningaasassanik imaqartoq.
- EU-mut MoU, ilaatigut EU-Kommissionip Kalaallit Nunaanni allaffia 2024-mi ammartoq, kiisalu Bruxelles-imi EU-Kommissionip ataani DG GROW aamma DG INTPA suleqatigalugit Naalakkersuisut aaqqissuussinerannik, taagorneqartumik *Business Mission Greenland 2024* imaqartoq. *Business Mission Greenland 2024* nuisitsinermik, inuussutissarsiornermi suliaqartut oqartussallu akornanni ataatsimeeqatigiinnernik, Kalaallit Nunaanni attaveqaasersuutit aammalu Kalaallit Nunaanni sanaartugassanut annertuunut periarfissat takutinniarlugit Nuummi nunanit tamalaanit mittarfimmik

sanaartorfimmut aamma Sikuki Nuuk Harbour-imut paasisassarsiornermik, ilaqartinneqarpoq. Tamatuma saniatigut Lumina Sustainable Materials A/S-ip aatsitassarsiorfianut imaluunniit Utoqqarmiut Kangerluarsunnguanni innaallagissiorfimmut takusaaneq toqqarneqarsinnaapput. *Business Mission Greenland 2024* EU-mit aningaasalersorneqarpoq.

- MSP Forum-imi peqataaneq, nunanut allanut nunatsinni periarfissaqarfiusunut takutitsinissamut periarfissiisumik. Naalakkersuisut USA-p nunanut allanut ministereqarfia peqatigalugu ilaatigut Nuummi *MSP Partners and MSP Forum/MINVEST* aqqissuuppaat. Taanna ulloq ataaseq ataatsimeersuarneruvoq, Kalaallit Nunaanneersut, USA-meersut (ilaatigut USA-mi nunanut allanut ministerip tullersortaa Jose W. Fernandez), Australien-meersut, Tuluit Nunaanneersut aammalu EU-Kommissioni ornigullutik peqataallutik. Peqataasut amerlanerpaartai nunarsuaq tamakkerlugu qarasaasiatigut peqataapput. Isumasioqatigiinnermi aallaavigineqarpoq nunanut tamalaanut MSP Forum, taakkua tassaallutik Amerikamit avannarlermit, Europa-mit aamma Asien-imit kiisalu Australien-imit nunat nunanut killernut sammiveqarlutik aatsitassanik eqqussuisartut; aammalu nunarsuaq tamakkerlugu nunat aatsitassaqaqluartut. Peqataasut allat akornanniipput ilaatigut ingerlatseqatigiiffiit Kalaallit Nunaanni pisinnaatitsissummik pigisaqartut aammalu pisortat-namminersortut suleqatigiiffiat *The Minerals Investment Network for Vital Energy Security and Transformation* (MINVEST) USA-meersoq.
- London-imi nuisitsivimmi *Resourcing Tomorrow*-mi *Mines and Money*-mi, tassungalu atasumi *Government Round Table*-mi peqataaneq oqalugiarnertu, tassani aatsitassanut pisariaqartinneqarlutik piumaneqartunut suliaassanik ineriartortitsinissaq pillugu anigorniagassat, nunat aatsitassaqaqluartut aammalu nunat nunanut killernut sammiveqarlutik aatsitassanik eqqussuisartut akornanni oqaloqatigiissutigineqarlutik.
- Bruxelles-imi *Raw Materials Week*-imi kalaallit ingerlatsinerannut atatillugu oqalugiartut peqataaneq, tassani ingerlatseqatigiiffiit Kalaallit Nunaanni pisinnaatitsissummik pigisaqartut pingasut suliaassanikk saqqummiussillutik.
- Minnerunngitsumik ukiumoortumik Toronto-mi nunarsuarmi aatsitassanut nunallu sannaanut nuisinerit annersaanni, nunatsinni nunap sannaani periarfissaqarfiusut pisariaqartumik avammut nittarsaanneqarput aammalu suliaassat, aningaasaliisartut, minnerunngitsumillu najukkani pilersuisut akornanni atassuteqalersoqarluni. 2025-mi aamma *Greenland Day*-mik taagorneqartoq ingerlanneqarpoq, tassani ingerlatseqatigiiffiit, oqartussat kattuffiillu Kalaallit Nunaanni suliaassat pillugit paasisissusissanik nutaanerpaanik saqqummiussillutik. *Greenland Day* Toronto-mi Det Danske Konsulat aamma Sulisitsisut suleqatigalugit ingerlanneqarpoq. Tassani nersornaat *Prospector and Developer of the Year* ingerlatseqatigiiffimmut imaluunniit inummuk Kalaallit Nunaanni aatsitassarsiorluni misissuinnermut tunngatillugu immikkut suliniuteqarsimasumut tunniunneqartarpoq. Nutaatut EU-p aamma USA-p *Greenland Day 2024*-mi peqataaffigaat. EU-p peqataaneranut

tunngaviuvoq, aatsitassanut suliassaqarfimmi periusissatigut suleqatigiinneq, EU-p Kalaallit Nunaannut 2023-mi isumaqatigiissutigisaa. EU ilaatigut aningaasalersuinnermut sullissivinnit saqqummiinnermik tapersiivoq. USA, USA-mi nunanut allanut ministerip tullersortaa Jose W. Fernandez ilisaritillugu tapersiivoq.

Apeqqu 4

Avammut oqariartuutit issuarneqartut, Kalaallit Nunaanni piginnaatitsissutinnik tunineqarnikuusut inuussutissarsiortunillu soqutigisarisaasut suliniutaasullu aningaasalersuinissaq kalaallillu immineq pilersaarutaannut aningaasaliinissat pillugit oqariartuutitut ataqaatigiissaagaasumik ingerlanneqarpat?

Naalakkersuisut politikkiminnik pisinnaatitsissummik pigisaqartunut ataasiakkaanut tamaginnut nalimmassaasanngillat. Tamanna inatsisinik aalajangersaanikkut pisarpoq, tassani Inatsisartut aalajangiisuusarlutik kiisalu aatsitassanut periusissiaq, ukiunut sisamanut ukkatarinniffiusussat, Naalakkersuisunit aalajangersarneqartarlutik. Ulluinnarni sulinnermi oqaloqatigiinneq suliqaarnermut annertuumik ilaavoq. Tamanna tunngavigalugu Naalakkersuisup assersuutigalugu apriilimi Naalakkersuisunngornerminiit Morten Bødskov, Danskit sulisitsisut, Kalaallit Nunaanni sulisitsisut aammalu pisinnaatitsissummik pigisaqartut arlallit qinnuiginninnerisigut, naapippai.

Aammattaaq aningaasaliinissamut periarfissat pillugit suleqatigisartakkanik assigiinngitsunik oqaloqateqarnermut assersuutitut nassuiarneqartunut, apeqqu 4-mut akissuteqaat innersuunneqarsinnaavoq.

Apeqqu 5

Naalakkersuisut nalunaarutaat Naalakkersuisut aatsitassaqaarnermut atatillugu aammalu Kinamik, USA-mik aammalu EU-mik suleqateqarsinnaanermut atatillugu pisortatigoortumik politikkiannik aallaaveqarpat?

Aap. Naalakkersuisut inatsisit atuuttut tunngavigalugit sulivunga aammalu politikki 2025-2029-mut aatsitassanut periusissiami aamma Nunanut allanut, sillimaniarnermut illersornissamullu politikikkut periusissiami 2024-meersumi sammivissatut aalajangiunneqartoq malillugu. Tamatuma saniatigut niueqatigisartakkatsinnut tunngatillugu politikikkut aqutsinnermi tunaartassat qulakkeersimavakka.

Apequt 6

Suliniutit suut allat Naalakkersuisunit aningaasaliisinnaasunik ujartuinerni aammalu Kalaallit Nunatta aningaasaliiffigissallugu kajungernerurulersinniarnerani ingerlanneqarpat?

Naalakkersuisut tassani apeqqummut 3-mut akissuteqaat tunngavigisinnaavaat.

Erngup nukinga

Naalakkersuisut Tasersiami aamma Tarsartuup Tasersuani erngup nukinganik periarfissaqarfiit neqeroortitsivigineqarnissaat ingerlateqqillugu suliaarat. Naalakkersuisut 2026-mi ukiup affaani kingullermi neqeroortitsinissamut piffissamut pilersaarut suliaarat. Neqeroortitsinissap tungaanut, ingerlatseqatigiiffinnut suut piumasaqaatigineqassanersut, Naalakkersuisut aalajangiissapput. Taamaattumik piffissami aggersumi ingerlatseqatigiiffinnut soqutiginnittunut niuerfimmi oqaloqatigiinneq ingerlateqqissavara. Ukiut ingerlaneranni niuerfimmi oqaloqatigiinnerit arlallit ingerlassimavagut, tassanngaaniillu paasisimalikkat neqeroortitsinermi ingerlatseqatigiiffinnut piumasaqaatinik piviusorsiortunik naleqquttunillu allattuinnissamut iluaqutigissavagut.

Takornariartitsisarneq

Naalakkersuisut piujuartussamik takornariartitsinermut ukiunut 10-nut suliassaqaqarfiimut pilersaaruteqarput, arlalinnik suliniuteqarfiusussamik, takornariartitsinermut pitsaanerpaanik sinaakkusiisussamik, ornigassanik pitsanngorsaasussamik aammalu inunnik isumalluutininik piginnaanngorsaaviusussamik. Tamatuma saniatigut Kalaallit Nunaata takornariartitsinerup iluani aningaasaliiumalersitsisinnaassuseqarnerulersinnissaa siunnerfilimmik Naalakkersuisut sulissutigaat – pingaartumik akunnittarfinni inissanut, umiarsuarnik takornariartaatinik inuussutissarsiutilinnut ornigassanilli ineriartortitsinermut tunngatillugu.

Suliniutini qitiusuni ilaatinneqarput:

- **Umiarsuarmik takornariartaammik inuussutissarsiornermik pitsanngorsaanerit:** Umiarsuarmik takornariartaateqarnermut suliassaqaqfik immikkut suliniuteqarfigineqarpoq, tassani tikisitsinissamut, tikeraanik sullissinissamut aammalu sumiiffimmi inissanut piujuartussamik naleqqussaannissamut najukkani aaqqiissutissat sulissutigineqarlutik. Umiarsuarmik takornariartaammik ilaasunut akitsuummik nutaamik atuutsitsilernermi, ilanngullugu 2024-mi avatangiisinut aserfallatsaaliuinernullu akiliut, kommunit isertitat pitsaaliuilluni iliuusissanut aserfallatsaaliuinernullu imaluunniit

atortorissaarutininik pioreersunik pitsanngorsaanermut kiisalu
atortorissaarutininik nutaanik sanaartornermut, atorsinnaavaat.

- **Aningaasaliisarnissaq suleqatigisartagassallu:** Pisortat-namminersortut suleqatigiinnerinik siuarsaanissaq aammalu assersuutigalugu akunnittarfiliornermi aamma ingerlatassani misigisassarsiornermik aallaavilinni nunanit allamiut najukkameersullu aningaasaliisarnerinut sinaakkutissat pitsaanerulersinnissaat, sulissutigineqarput.
- **Ataqatigiissaakkamik nittarsaassisarneq aamma nunani tamalaani inissittarneq:** Ilaatigut Visit Greenland suleqatigalugu Kalaallit Nunaata issittumi ornigassatut asseqanngitsutut piujuartussatullu nunani tamalaani ilisarnaataanik nukittorsaanissaq sulissutigineqarpoq. Tamanna siunnerfilimmik nittarsaassisarnikkut pilerisaarisarnikkullu pissaaq, takornariartitsinermik ineriartortitsinermik aningaasaliinissamillu soqutiginninnermik tunngavissiiisussamik.

Apeqquut 7

Financial Times-imi allanneqartumi Naalakkersuisunit USA-mik isumaqatigiissuutit suut eqqarsaatigineqarpat?

a. Allanneqartumi isumaqatigiissutitut taaneqartumi killiffik maanna sumiippa Naalakkersuisorlu issuarneqartoq (Inuussutissarsiornermut il.il. Naalakkersuisoq) isumaqatigiissutitut taaneqartumi qanoq akisussaassuseqarpa?

b. Isumaqatigiissutitut taaneqartup suut imarivai qanorlu isumaqatigiissut sivitsorneqanngippat tamanna Aatsitassaqaarnermut kinguneqarsinnaava?

Suliniuummi suleqatigiinnissaq 2019-imi amerikami kongres-imi aamma Naalakkersuisuni (taamanikkut naalakkersuisuusoq, Erik Jensen) akuerineqarpoq. Ataatsimut isigalugu 12,1 mio. US\$ / 82 mio. kr. pineqarput, ilanngullugit 8,6 mio. US\$ / 58,27 mio. kr. aatsitassarsiornermi nukissiuutinilu suliassanut, taakkua ataanni suliniutitut assigiinngitsunut agguarneqarlutik. Amerikamiit tapersiissutaasut ataatsimoortut suliniutitut aningaasassatut isigineqartariaqarput, pingaartumik siunnersortinit imaluunniit immikkut ilisimasalinnit tikittunit immikkut ilisimasalittut tapersiinertut ittumik. Ilisimasat katersorneqartut paasissutissallu nalunaarsukkat amerikamiut piginnittuuffigilertussaangilaat. Taakkua tamanit pisariaqartinneqalertussaapput. Naalakkersuisoqarfiup isumaqatigiissutitut isiginnittaaseraa immikkoortortatut aqutsisuunissaq ataqatigiissaarisuunissarluni, USA-p tapersiinera tassaasimalluni suliaqartuulluni suleqataaneq.

Isumaqatigiissutip ataani suliniutit:

- Data management and structure from exploration and exploitation
 - Mineral Resource Data Inventory
 - Mineral Resource Data Management
- GeoSurvey Organization & Strategic Planning
- "Green Minerals" Market analysis (REE, olivine, basalt, graphite, PGE)
- Asimi suliaqarneq aamma nalunaarusiorneq:
 - Graphite potential
 - Tikiussaaq carbonatite
 - PGE's in Fiskefjord area
 - Hyperspectral Survey
 - Pegmatites and Lithium-mapping
- Direct marketing
- Technical workshops:
 - Alaska borekernelager,
 - Nunavut Mining Symp + Geoscience office,
 - T&T inspection course
- Assessment for options for renewable energy for mining projects
- Analysis of Government take model
- Regulatory framework development for MLSA

Imatut MoU naanissaa ullulernerqanngilaq, kisianni suliniutitut ataasiakkaanut ingerlaavartumik piffissamut killissalersuisoqarpoq. Taamatuttaaq aamma suliniutit siumut ingerlanerannut ataatsimoorluni paasinninneq apeqqutaalluni, suliniutit ingerlaavartumik annertusarnissaat imaluunniit annikillisarnissaat periarfissaqarpoq. Pingaarnertigut isigalugu, suliniutit amerlanerusut piffissap sivikinnerusup iluani naammassisarput. Maannamut suliniutitut aningaasassanik amerlanerusunik USA-miit nalunaarutiginnittoqanngilaq, tamannalu USA-mi naalakkersuisut nutaat, pissutsinik aatsaat ilisimatinneqartussat aammalu annertunerusumik tapersiinnissaq kissaatiginerlugu nalilersuisussat, inissinneranni pissusissamisoorluinnarpoq.

Suliniutini tamaginni atugassarititaasunut killissaliussat pitsanngorsarneqarnissaat aammalu paasissutissanik nalunaarsukkanik katersinerunissaq, siunertarineqarput, taamaalilluni Kalaallit Nunaanni nunanit allaniit aningaasassanut aningaasaliinermi annaasaqarsinnaaneq annikillisinneqassalluni. Atugassarititaasunut killissaliussat ersarinneruppata paasiuminerneruppatalu pitsaannerusussaavoq. Tamanna aamma paasissutissanik nalunaarsukkanik pisariaqartitsinermut atuuppoq. Kalaallit Nunaanni nunaminertat sermeqanngitsut 60 %-ii angullugit nunap sanna pillugu paasissutissanik nalunaarsukkanik pitsaassuseqarluartunik peqarfigineqanngillat. Taamaattumik paasissutissanik nalunaarsukkanik katersinissaq aammalu nunap sannaanut nunat assinginiq suliaqarnissaq, paasissutissiisarnermut aamma ingerlatseqatigiiffinnik aatsitassarsiorluni misissuisussanik nutaanik pilerilersitsinissamut

pingaaruteqarput. Annaasaqarsinnaanerup annikillisinnissaanut aammalu ingerlatseqatigiiffiit suliniutaasa siuarsarnissaannut periarfissat pitsaanerulersinnissaannut, paasissutissat nalunaarsukkat aalajangiisuulluinnartumik pingaaruteqarput. nalinginnaasumik aatsitassarsiorluni misissuinnermut suliassap aatsitassarsiorfinngorlugu ineriartortinnissaanut ukiut 15-20 akornanni (pitsaanerpaamik pisoqarpat) sivilissuseqartarpoq. Aatsitassarsiorfik naggataatigut tunisassiulerpat, taanna siunissami inuiaqatigiinnut isertitaqartitsilertussaavoq.

Inussiarnersumik inuulluaqqusillunga
Med venlig hilsen



Naaja H. Nathanielsen